

北升降爲左右此說且爲好姚信所天論曰天體南低入地北則高冬至極低日去人遠北天氣至故水寒也夏至極起日去人近南天氣至故蒸熱也天極高時日行地中深故夜長晝短然則天行冬依於渾儀夏依於蓋天也天似蓋笠地法覆盤天地各中高外下地極之下爲天地之中三光隱映爲晝夜天圓而動地方而靜天十二神動移無窮地之日辰靜而待之夫星辰遲速日月運行雷發虹見雲行雨施是天之象也二十八舍內外諸官七曜三光星分歲次是天之數也山川水陸高下平汗嶽鎮河通風廻露蒸是地之象也八極四海三江五湖九州百郡千里萬頃是地之數也於是元氣始萌陰陽始生蒸形立端清濁分別質形已具此五者天地之運通也天以剛健之德覆地以柔順之德載也

〔古事記上〕天地初發之時於高天原成神名天之御中主神訓高下天云阿麻

〔釋日本紀五述義〕高天原私記曰師說謂上天也案可謂虛空也

○按ズルニ高天原ノ事ハ神祇部神祇總載篇ニ載セタリ

〔古事記上〕於是天照大御神以爲怪細開天石屋戶而內告者因吾隱坐而以爲天原自闔亦葦原中國皆闔矣何由以天宇受賣者爲樂

〔萬葉集二挽歌〕天皇○天智聖躬不豫之時太后奉御歌一首

天原振アハハラフリ放サケ見ミ者ヲ大王オホキミ乃御壽者ノミコトシ長久イノチハナガク天足有アマツタケアリ

天降雜物

〔日本書紀二十九〕九年六月辛亥天武灰零十四年三月是月灰零信濃國草木皆枯焉

〔續日本後紀七仁明〕承和五年七月癸酉有物如粉從天散零逢雨不銷或降或止九月甲申從去七月

至今月河內參河遠江駿河伊豆甲斐武藏上總美濃飛驒信濃越前加賀越中播磨紀伊等十六國一

一相續言有物如灰從天而雨累日不止但雖似恠異無有損害今茲畿內七道俱是豐稔五穀價賤老

農名此物米花云

〔日本紀略嵯峨〕弘仁七年正月辛卯雨沙